

四庫全書

集部

欽定四庫全書

集部  
方洲集卷七  
五

詳校官編修<sub>臣</sub>曹錫齡

中書<sub>臣</sub>劉源溥覆勘

總校官編修<sub>臣</sub>王燕緒

校對官編修<sub>臣</sub>嚴福

謄錄監生<sub>臣</sub>金彥茵

欽定四庫全書

方洲集卷七

明 張寧 撰

五言律詩

赴汀

頻年湖海上妻子倦相隨  
道在貧非病才疏遠更宜依  
還真自恥得幾任時為獨有嚴親在臨行淚雨滋

舟過富陽

離家纔十日鄉思漸多違江近村居少山高石路危野  
人驚客至水鳥傍船飛何處桐廬縣蒼茫對夕暉

登龍游翠光巖

孤棹艤寒汀無人獨自登積苔迷鳥篆斜日照魚簪  
湍急聲如振崖高勢欲崩客遊那可駐雲重樹冥冥

嚴州道中

雲路緣江轉舟行夕照中水清深見石山近欲換蓬意  
與寒林澹情隨野望通閒呼小兒女到處一從容

雲谷草堂

閒雲深谷裏寂寂隱茆廬  
晝榻疑朝暝晴簷似雨餘  
有溪通野艇無路入安車  
山犬俄然吠人來問起居

宋宗魯七詠

河渠春漲

積雨夜初歇河渠向曉深  
岸平芳草沒風漾白鷗沈  
浩蕩懷殊澤澄清共此心  
龍門知遠近臨眺一長吟

禾黍秋風

秋風村巷起禾黍遠依微古道無人過晴空有鴈飛已  
堪酬歲事應欲問寒衣但得豐年樂蓴鱸慢憶歸

柳岸晴煙

楊柳綠成蹊籠煙水面齊啼鶯深不見驄馬只聞嘶初  
日光猶暝迴風影漸低吟行易成趣歸路未應迷

槐庭清晝

密樹蔭虛堂高林晝日長疎花閒自落幽夢覺還忘宦  
達懷先志棲遲惜衆芳栽培各有待非是學三王

蔬園剪雨

春山逢夜雨，剪韭入荒園。  
綠潤蒹菰飯，寒生苜蓿盤。  
時窮聊自給，身在任加餐。  
肉食知誰補，養鹽重爾存。

蓬戶書聲

幽人讀書處，茆屋住林坡。  
燈影留殘月，書聲隱薜蘿。  
風塵談缺語，煙雨飯牛歌。  
今日青雲路，飛騰事若何。

蘭山雪色

窮陰連朔漠，積雪滿山城。  
不辨峯巒氣，空聞礮壑聲。  
淨

涵書幌白寒覺布衣輕  
悵望平林外蒼茫煙霧橫

三鷺圖

老樹寒塘裏孤栖境最宜  
雙行良有待獨立已多時  
跂足身將下翹翎眼正窺  
畫圖深意別托物重興思

冷齋為僧作

寂境世緣絕虛堂人迹稀  
厨空常過食歲盡或留衣  
牕月澹如水薜蘿沁入扉  
炎涼自有分不是學寒微

登伍公廟東軒小酌



地迥屋居遠  
天空眼界明  
雨來江變色  
風急樹添聲  
渺懷賢思依依  
戀舊情酒闌人盡去  
猶自立簷楹

醉漁

一棹清江曲  
人稱是醉漁  
酣餘逃物色  
醒獨感糟鋪  
適意聊憑酒  
生涯不為魚  
陶然雲水窟  
高枕即吾廬

湖山煙雨圖

曾見隱人說  
湖山雨亦奇  
常因游蕩冗  
獨覺靜閒宜  
慘淡玄暉畫  
蒼茫子美詩  
欲窮幽興趣  
坐待晚晴時

金瓶梅詞話卷之七  
閏九月張用文宅賞菊

紅芳驕白髮素質笑青娥  
晚色濃還淡秋香寒更多  
賞心能幾許衰節欲如何  
安得常逢閏年年兩度過

為王瑞之題梨花圖

西閣睡初覺東君信已通  
鶯聲閉門雨人影隔簾風  
病休嬌不語詩愁閒更濃  
無端腸欲斷雲破月朦朧

竹泉

綠竹蔭方洲泉深竹更幽  
平安應永茂沈靜自長流  
秀

並孤山晚清分合澗秋涼風與華月涵映共優游

閻文振馬嵬八景

錄三首

楊妃荒塚

幸極多生變恩深不到家寧歸掖庭獄得禍後宮斜鬼  
火消寒雨魂香散落花猶勝莫臯婦青塚亂胡沙

金城古寺

主家門第盡僧寺樹林荒色相真成幻豪華未可常法  
輪迴現滅劫火變炎涼却笑浮生衆猶因佛老忙

北原春意

東風吹野草春意忽依依  
燒迹綠初滿樵痕青尚微  
雨肥驚發遍霜重較添稀  
為爾增惆悵飛香欲上衣

為沈履德題水仙

夜玉籠金淡春羅擷帶柔  
湘臯留珮別洛浦弄珠遊  
地美姿容淨林孤氣韻優  
無因坐芳豔聊爾伴吾幽

寄陳彥章

一從分別後夢想鎮悠悠  
路遠知難見書來看轉愁  
歸

舟煙月冷故宅菊花秋物色將離思年年江水流

雪泉

積素晚逾白飛流寒更清陽和通地澤雲液見空明不  
斷平林色遙聞落澗聲最堪清夜永吟待月華生

詹貳教望雲思親卷

閩海雲飛處嚴慈隔九泉天涯孤影在客裏寸心懸淚  
逐迴風落魂隨去鳥旋徵官是何物常自別遺阡

荆婦隨齒有感

視舌知柔在論心覺汝良動搖勤吐哺疏豁厭糟糠未  
老何嗟及無兒重此傷平生恩義在諸妾共沾裳

為嚴仁遠題蘭

共說江皋種元來是國香援琴人在魯紉佩客迷湘古  
調終難繼高懷不可忘謝庭春事好三世見流芳

卧雲

聞有西方士幽居在白雲日高窓漏曙風靜榻餘薰寢  
息收龍雨冥棲伴鶴羣悠然半間屋無地著塵氛

竹莊

西村耕隱處，菰竹似雲屯。  
九曲不知徑，千竿方到門。  
幽期分少室，美盛亞淇園。  
為問平安信，傳芳見子孫。

雪江為僧文秀題

澄靜秋來水，蒼茫臘後天。  
空花迷浦樹，遠色見林煙。  
凍絕橫流潦，寒無泛浪船。  
夜深清不寐，月到寺門前。

瀛洲為錫山楊秀才作

曾到瀛洲路，清孤絕點埃。  
浪香魚易化，月爽桂長開。  
壯

志英雄步弘文館閣才升騰各有地何必扣蓬萊

愛水

有美淵源士名溶字淨夫平生慕清潤重爾樂涵濡放  
浪憐三峽深沉快五湖由來稱知者情好一塵無

送吳覽用之還休寧

尊酒分攜後星霜七載間壯憐吾白首少覺爾蒼顏杜  
曲花時醉山陰雪夜還來疎歸轉急情緒各相關

梅野



東閣尋詩遠西湖載酒頻惟應閒曠處得老歲寒身地  
廣冰霜伴天空水月隣不須攜杖探滿眼是陽春

為高憲副題畫二首

草盡白石露林幽蒼蘚生不移君子節如有故人情明  
月照秋影涼風吹夜聲鳳川千畝廢頻覺數竿清  
樹色逢秋淡山光薄暮佳吟看風墮葉坐覺水生花野  
景周遭在幽情一倍加懷人不可見惟有暮歸鴉

夏大卿西湖六會卷後

步屨蘇堤淨尋玄瑞石遙蓬山小無暑巖月滿隨潮寶  
石登天近瀛梅候雪消太平遊覽徧歌詠記清朝

雪屏

闢鑿玄工舊彰施素質齊天寒雲母淡風靜玉花低銀  
燭秋光盡金閨雀影迷筠牀吟對晚欲與鶴同棲

芝田為嘉禾醫士談景陽題

曾到懸壺處瓊芝徧玉田居安靈氣聚濟博壽徵全培  
藉松苓土滋分石乳泉不耕嘗自足醫道本通仙

桂巖

峻絕春芳少，高寒晚植榮。  
人如月中下，地勝卻林清。  
書榻飄香落，琴壇倒影橫。  
巖頭有雲路，留待看花行。

知休堂

世路終無盡，浮生總未然。  
蚤停登峻馬，急繫下灘船。  
富貴閒方了，功名退始全。  
中山千日酒，不及醒時眠。

重過月塘留題

幽居隣古寺，清興每堪乘。  
卧榻聞經梵，書窓映佛燈。  
地

偏稀  
有客門靜似無僧  
十載重相過  
空緣却未憑

烏程貳教李春夫四首

橋門奉侍

祿養知何日  
依親未可期  
聊憑菽水奉得便  
寢興時風  
木立吾感公  
庖考叔遺三年不歸者  
此意竟何思

泮宮迎養

木鐸晨初舉  
親輿暮已過  
祿嗟升斗薄  
養比鼎糲多  
化雨連橋梓  
文風振蓼莪  
不須經史訓  
身教易漸摩

西江考藝

奎壁騰輝蚤釣衡入聘新由來斲輪手解識運斤人剖璞求良玉揚瀾起伏鱗至今天上榜多是鹿鳴賓

竭力榮親

藝圃春芳盛研田秋穡成都將一官俸併作二親榮帶緩烏紗稱袍寬綵繡明推封事難必隨力報深情

為張士明題沈石田畫

故人何處所詩畫轉風流一鴈斜陽晚孤蓬野水秋偶

隨雲共往時與月同留此外應無累年高未白頭

南谷僧真率處

荒徑草生滿空堂夜不闌焚香修林裏絰衲野藤間淡  
朴堪離俗疎慵始稱閒客來無所事淪茗對前山

送余大尹

山郭惠風和湖田好雨過鳴琴初住響行旆又聞歌赴  
關心應重懷民夢亦多旌褒垂已及天詔有餘波

黃山盛節婦挽詩

旌顯非初望歸全是宿心痛憐雙孺在笑入九原深劍  
及延平化珠還合浦沈生榮死更好鄉國有徽音

雪漁

放浪原無定蒼茫任所之一蓑堪入畫獨釣雅宜詩清  
絕將誰偶幽竒只自怡也知魚不食趣在水寒時

題陳白沙贈僧古淵詩後

西墅開餘景東山異物華桓榮方在國韓愈已辭家吟  
刻雲扉竹間烹石鼎茶忘形忽相遇不用具袈裟

南谷

渭水來何處相傳此谷中  
清深原地美流洽出泉蒙自  
與溝渠異何因烏鼠同  
憐君重名義知本意無窮

松月軒

丹房無所有松月淨林坡  
寒徑春芳動晴窓夜色多  
刪繁容桂影倚曲看金波  
共是無情物玄虛意若何

南溪小隱

小隱南溪上悠然世慮忘  
西來山氣爽東去水流長  
午



日停詩艦薰風滿釣航北窓時一卧人物似羲皇

送邢把總

世胄纔相繼邊荒借遠過秋清閒虎旅海晏息鯨波  
按轡消吟興投壺聽雅歌太平功業早勝算欲如何

蘿薜山房

絕壑垂蘿處閒居稱野心瑞煙凝古色華月燭浮陰  
最愛琴書淨何煩花木深依棲聊自得清淡勝東林

題曉岑卷

山居高寂景最愛乍明天西嶺月猶在東林人尚眠晨  
光佳勝夕朝氣爽通玄日午紅塵動清華不似前

梅林小隱

老樹荒林下閒居意若何西湖防物色東閣廢吟哦徑  
有幽人探門無驛使過時時風雪裏攜鶴步寒坡

宿玄真與故人叙舊

曠望三秋別浮游百感身可憐前度客不見舊時人老  
病催年盡榮華過眼新直須同暢飲一醉尚青春

槐庭

共說幽庭裏槐陰藹綠雲  
鄰林通桂影謝砌逗蘭芬  
馬高門啓三公舊業聞  
堂中無所見猶記老坡文

樂生堂為張汝聲題

傳得全嬰術提攜日滿門  
滋調同乳哺和育似春溫  
藥施君臣劑功深父母恩  
好移堂下杏栽植近東垣

懷山堂詩贈醫士

自是賓賢偶由來治理宜  
都將良相業斂作上工醫  
內

鑒懸金匱心田產玉芝靜山門下客十病九懷思

病中述懷

偈仄幽棲處衰遲鶴瘦翁伏經嗟有授萊綵念何窮松  
映遠林月竹搖清晝風惟應舊山景長與老懷同

挽樂義王公夫婦二首

海邑誇名族清時樂永年壺觴元亮宅書畫米家船門  
第多關夢兒孫總象賢一從鸞鶴化相憶每淒然

萱親不可見令子竟何依落日啼烏烏晨風動綵衣傷

心看隴樹清夢引慈闈試問王孫賈誰應望汝歸

五言排律

陳世用給事母挽詩二十韻

秦晉懽盟早熊蛇吉夢全最深姑舅愛兼為族人憐  
鳳威儀重蘋蘩禮數專清真生合浦溫瑩照藍田中饋  
烹調慣通宵補綴便曾陪伯鸞語識得孟光賢不愧闕  
畦什猶疑葛藟篇文孫初及第令子夙超遷夜雨驚炊  
臼悲風入斷絃可憐黃屋詔不到白頭年醫扁今為土

巫咸已上天膏肓不可問脩短竟難宣迺運瑤池燕招  
搖玉洞仙麻姑留宿駕王母授真詮恩念俱牢落塵緣  
總棄捐深情空戚戚清淚轉涓涓薄奠餘三鼎榮光賁  
九泉已酬尊養願其奈別離牽魂夢應何在音容益黯  
然雲迷淮海月霜冷越江煙懿行新成傳貞銘已就鐫  
孤墳在何許千里卜牛眠

韓方伯母挽詩

世澤傳鄒國休聲啓相門三遷遺教在諸族母儀尊婉

婉胡然在桑嘉重爾存良人留粉署令子起青雲明鏡  
秋光冷蔥悻夜色昏可憐春草念不返夜臺魂

哭內十二韻時年十七

笄總承歸聘青春媾慙凶褰帷驚落雁屬續怨乘龍夙  
抱衾稠苦未遑組織工絃琴悲窈窕中饋失儀容垂絕  
啼沾臆臨危噎撫躬平生懷冀缺今日愧梁鴻弟妹江  
關外姑嫜疾疫中宗姻稀袒免餘服殺碁功隴廟餘班  
祔箕裘冢命空永懷愁不寐長慟意無窮草綠間門雨

花明後苑風年年桃李樹淒絕舊行蹤

劉公秉望雲思親六韻

極目雲飛處傷心漢水陽  
氤氲迷隴樹杳靄護祠堂  
漸逐悲風起低隨落日黃  
夢魂懷此岵涕淚滿羹牆  
寥落經秦嶺淒涼憶太行  
家山死別處不及在他鄉

邵文暉杏雨軒八韻

最愛知時雨幽居杏子林  
徧滋枯瘁質潛佈發生心  
一郡懷芳潤千家沐浸靈  
藥闌春正好橘井晚來深  
化澤



應同溥斜風莫亂侵種花人冒濕問酒客迷陰國手憐  
非相時名愧作霖願驅收穀虎蓑笠此投簪

送陳理之襲職還溫州二十韻

督府元勲在名藩閫制崇祖孫俱挺萃父子盡登庸臺  
閣丹青古河山帶礪同兼資文武畧翊贊聖神功信是  
箕裘美生當化運隆自天承寵命隨地答宸衷馳志燕  
山北還家浙水東建牙歸舊鎮抗節贊元戎氣壓干城  
器機深國士風暫辭萊子服重挽楚人弓鷹隼飛揚外

熊羆指顧中安危都注意戰守欲全工坐覺煙塵淨行  
看瘴海空此期知不忝良會惜難逢宦況清秋月離懷  
遠塞鴻嬋娟共千里聚散等孤蓬酒盡情難盡詩窮興  
未窮悠悠忠孝願到處與君從

作古木圖題寄劉廷信都憲十韻

鬱鬱中山木生來夙絕倫栽培元得地挺拔易逢春秀  
美藏中盛英華發外新苦心終自保直節待時伸獨立  
冰霜後清當雨露長喬然超檜柏俯若庇荆榛薦廟升

華棟為舟絕要津用因材大晚事類夢求親霽月巖廊  
表春潮野渡濱甘棠不重見淒斷舊遊人

夢萱八韻

萱親不可作魂夢每相隨寂寞知何自蒼茫忽見之虛  
中聞歎語空裏見容儀多在倚門處或逢攜幼時都忘  
形隔絕猶學舊嬌癡委曲生前話淒涼覺後悲留連長  
及旦定省已無期莫說忘憂事年來鬢已絲

送張僉之廣東八韻

侍御才堪重名藩借遠行功高柱下史官次省中評不  
懈澄清望允深訊鞠情羈懷連百粵王事促修程問俗  
逢蠻堡觀風駐海城黃風深蔽馬白水淨搖旌驛饌盤  
游飯人輸谷董羹豺狼易相辟還欲訪柴荆

李侯潮月圖十韻

金水相生候風煙既肅天夜分方盛大秋半正清圓鰲  
背冰輪湧蛟宮玉鑑懸星槎通桂殿兔窟動龍泉勢合  
陰精滿光搖氣母旋大觀同俯仰佳景洞黃玄想見升

沉際田思合闢年詩工形不盡畫好思難傳紫塞機堪  
速丹心苦益堅因之崇顯澤文武繼才賢

送僧歸族十二韻

早涉真如境旋聞博大風自從心有主頻悟道非空典  
則羲農祖詩書孔孟宗無為先有作去情始來功夷夏  
終天異君親亘古同是誰循錯悞隨處被牢籠欲破膠  
纏固須憑識見崇力能排闥走事勝倒戈攻近似兼人  
勇相將蓋世雄星流還拱北瀾倒竟迴東復志三綱裏

全身四業中能言距楊墨於爾亦何庸

菜庵八韻

閒居無異卉蔬植繞柴荆稼圃真吾事  
蔬鹽藉爾營春煙芸麥秀夜雨剪松明  
色瑩青藜飯香兼玉糝羹饒思挑野儉  
貧念採薇清淡薄堪長往肥甘負遠名  
可應存晚節聊復任平生見說庵中客  
年來百事成

廿六日復陪諸公遊靈隱寺留題祥上人所十二

韻

峻拔天垂秀盤迴地拱靈神峯騰北道法界控南屏龍  
雨周三笠鵬風合四溟樓臺出霄漢鐘鼓隱雷霆呪食  
猿窺洞聞經鶴避汀迷途登覺路佳客借閒庭風帽秋雪  
落雲車晚再停黑頭全變白紅樹幾還青蹤跡迷鴻雪  
光陰換鳥星誰知陶令醉總是屈原醒舊事驚還問新  
詞厭復聽憑吹劍頭呖題向冷泉亭

題淇澳晚節詩冊壽王瑞之十二韻

星紀初周歲風煙欲暮秋乾坤元並育人物故同流汗

簡功仍在綸竿志未投詩堪通比興居可事藏修不斷  
平安報終無代謝憂自招三徑友獨邁七賢遊樗櫟材  
非偶岡陵壽可侔椿陰交嶰谷桂馥逗湘洲鳳實金花  
結龍孫錦籜抽圓紅低托蔭澗翠鬱添稠老節俄生肘  
清標直到頭憑詩吳下頌箋入衛風收

為王廷彥詠菊

細柳春營遠名花別墅幽生無桃李態性本蕙蘭儔幹  
直偏宜挺香清不厭浮根孤寧近石葉老不隨流冷節



依然年芳重爾留榮兼漢公壽飢慰楚臣憂苦竹映  
寒色斜陽生暮愁偶為三徑別空負一年遊彭澤真成  
晚龍山別是秋所嗟生地迥情會兩悠悠

溪隱卷為秀水陳嘉言題

茆屋寄滄洲溪深事事幽門無題鳳客岸有釣魚舟放  
浪非狂士浮沉混俗流猶疑人物色不復被羊裘

休寧吳氏保訓樓

奕奕千金訓戡戡百尺樓祖宗存世澤嗣續賴貽謀尊

閣圖書並收藏拱壁侔高登今有自俯墜可無憂不敢  
希天祿還應過鄴侯是誰居末裔為我踵前修無恤心  
常切立成業未優也須懷卜築豈獨守箕裘孔壁遺經  
在韓文敗篋留一椽當重惜隻字莫輕投覆載真成恥  
塵埋亦自羞好知垂後意繼述亘千秋

牕友張彥暉老未有字甚非古義予惟善不可以  
老辭過不可以老遂因字以士明為詩以寓歲  
儻

白髮見重孫名稱尚未分是誰司冠禮率爾缺儀文父  
命元當重賓言已莫聞直須存古道慎勿蔽時氛遠邁  
工商業高攀睿哲羣因之堅晚節風采抗浮雲

周德輝景褚亭

已讀昭忠錄重登景褚亭案頭存史傳座右著心銘仰  
渴西江水瞻尊北斗星守官思對御還笏想驚廷餘力  
師文翰高風企典刑居常形夢寐動若接靈英齋宿嚴  
禋祀爐燔播德馨封章意斯在肯構及千齡

姑蘇吳氏佳城八景

窈窕雙親墓風光盡可傷秋霜行澣野春雨泊橫塘橋  
月影沉夢寺鐘聲斷腸獅山迷望翠虎阜映愁蒼巖照  
情隨夕湖波淚共長直須從墓日心景兩相忘

七言排律

酬牛廷理八韻

文韜武畧擅時英親奉除書下玉京黃閣才華新黼黻  
錦衣人物舊簪纓登壇虎衛承恩蚤射策龍門錫命榮

兩浙風塵行處息九重日月望中明雄驅欲問雲中騎  
保障偏臨海上城橫槩吟成朝戲馬運籌奇出夜談兵  
回天空有潼關夢報主無由朔漠行欲問轅門歌吉甫  
願陳威德濟蒼生

壽劉叔溫父八韻

東風吹暖到溪山昨夜青牛已度關天上功名輕脫屣  
壺中甲子類循環新春年譜須重紀舊日詩箋手自刪  
三世箕裘諸子貴百年詩酒一人閒時開露積留人飯

自署遺經覓主還雨露有恩垂鳳勅林泉無夢入鴈班  
廣文道出羲皇上高士名存伯仲間好記遐齡千萬載  
岱宗高亘水潺湲

憶園梅十四韻

一從丘壑曠經巡清賞依依感慨頻竹杖芒鞋孤舊約  
石田茅屋誤芳隣冥懷邂逅琴樽遠浪說調羹鼎鼐親  
喜有心期諧冷淡恥因滋味較酸辛時逢杜老愁兼絕  
詩許林逋句獨新東閣憑闌空有賦西湖放鶴更何人

影迷白玉堂邊月香盡羅浮嶺外春魂斷素娥精欲落  
夢回青鳥思無因繁華到處人長滿路徑無媒草共湮  
清白欲隨天地老孤高甘守雪霜貧牕前夜到疑珠箔  
墻角風多悵玉塵自是窮簷堪索笑不勝羌笛解傷神  
家憐吳鎮庵居好畫覺元章翰墨真老我歸來清賞在  
亂山寒秀對閒身

題畫八韻

霄漢誰能問布衣招尋偶復此相依溪山待老嗟行邁

名祿關心悟昨非，樹密林猿當徑下。  
春閒江鳥向人飛，舟經浩蕩行將沒。  
家入蒼茫晚未歸，滿地荒煙迷蔓嶺。  
亂峯寒日照柴扉，望窮盡處情兼遠。  
坐到忘言思轉微，幽事獨憐西澗草。  
清狂不種北山薇，只應李愿歸盤谷。  
人物于今一笑稀。

為陳彥章題夏圭山水圖五十韻

睡起虛牕拂素練，是誰幽思發紅纖。  
毫端老健超能品，胃次清淳似古廉。  
荆浩源流歸險勁，范寬家法轉精嚴。



韶光蕩漾晴堪挹元氣淋漓潤欲霑濃醞松薰滋玉兔  
淡和花滴貯銅蟾山連巴蜀星霄近水接荆吳分野兼  
縮地只疑傳費訣剪江應復用并鐮左縈右繞全歸海  
東接西盤遠際崦百浦一朝同索籌重岡千仞鎖鉤鈐  
孤煙障嶺浮將散斷石邊崖側漸貼嵐靄半籠深嶂曲  
黛痕斜抹遠峯尖空潭潦盡清涵練大麓泥深赤露嫌  
鳴瀨合流疑滑滑乳鴉交翼想鷦鷯巢歌松鶴驚蓬狎  
穴露蒿狐覆黍粘村犬有聲穿碧篠渚鷗和影落蒼兼

菰蒲蔭密魚依筍，榛莽叢深雉狎巖。居近迴塘馴野鴨，  
池通活水縱遊鯁。腴田報社禾初稼，高隴聞歌麥又斲。  
何處桑榆遲夕照，誰家門戶得朝暹。灘春盡日鳴殘碓，  
茆屋經冬脫故苫。諸葛廟前千尺柏，杜陵堂外百年枿。  
青瑤敗牖蘿懸壁，綠遍閒庭竹蔽簷。陰徑莓苔荒宿薺，  
廢園蕪草沒幽薳。巖坳掃砌雲隨帚，谷口停車樹礙襜。  
蘭艇歸遲爭蕩槳，荷亭坐久起掀髯。汀州晚色催漁網，  
籬落秋香上酒帘。橋板壓波溪雨漲，船篷逼岸浪風添。

畫中對景身如即物外逢人夢亦快小寒凌兢思孟老  
素琴瀟灑類陶潛行憐紅葉吟迂轡瘦怯黃花醉下簾  
勝境可耕還可釣茂林宜冷更宜炎貧嗟孺子長憂食  
困惜坡翁不奈疴繁弱就陵弓弛穀干將沉匣劍藏鋤  
心期落魄誰將許態度疎狂衆所嫌點檢壯遊悲往迹  
摩挲老目寄遐瞻尋僧古寺已逢賈卜宅名區已扣簷  
短策扶攜靈運屐殘編零落鄴侯籤絕交書在從頭寫  
招隱詩成信口占賸有餘篇充醬瓿都無佳句付泥枚

情懷去住棲蘆鴈仕路艱難上竹鮎檣櫟分甘儕草木  
尊藜望不到梅鹽病軀早解今非昔世味重教苦作甜  
獻納非材羞押闔太平多士笑飛鉗山河帶礪功難並  
泉石膏肓興未厭萬事興亡棋換局一生明暗鏡隨奩  
行藏偶與時相際榮辱分從手自拈日月飛騰雙驛騎  
乾坤俯仰一閭閻紅塵勞役閒方了白髮光陰懶更恬  
勢到急流宜有勇機當退步復何謙惟餘後樂先憂念  
撫卷令人愧仲淹

送孫先生歸沐陽八韻

一從立雪過嚴冬海北天南意萬重魯國書生多未化  
關西夫子更難逢是誰慚負昌黎教無地開陳安定功  
自古浮雲能蔽日於今死草又生風鄉山歸去冥鴻遠  
身世間來野鶴同收拾青氈付兒子提攜綠酒醉隣翁  
名全更覺斯文重道在何妨舊業窮惟有當時恩義在  
天涯此別歎西東

劉廷信母遺德詩十六韻

生傳微懿死傳芳一節端居四十霜細讀銘文知往事  
漫憑哀些發潛光柔嘉不愧千金子窈窕真堪百兩將  
侍膳北堂尊俎具採芳南澗藻蘋香聲和琴瑟輝聯玉  
夢協熊羆喜弄璋自古物情妨兩大從來女事惜偏長  
驚看明月臺前鏡破作龍泉匣底銅漏促雞鳴連夜杼  
燈移兒影上空牀到門惟有遺金婦感舊時來乳哺娘  
教養漸收貧古業婚喪已盡嫁時裝居幽眇若微塵寄  
值亂幾如斷梗亡溝壑心期慙未了鉛華頰舌笑空狂

荆釵短髮何年白宿草孤墳卒歲黃本為良人存世祀  
不勞明府乞恩章憂傷太早生多病凍餓全經死亦常  
千古東屏山下路煙雲星斗共蒼茫

為干景瞻題唐高駢山亭夏日詩畫十韻

碧山亭館抱迴塘門巷陰陰夏日長新竹過林梢礙柳  
野藤纏樹葉迷霜爐香細引薔薇架庭草陰連薜荔牆  
畫棟雲間天伏暑疎簾風急雨生涼碁聲落枕醒幽夢  
樓影沉波近夕陽臨水獨垂盤谷釣采蓮新辦越溪航

何人隔竹敲茶臼有客攜琴問草堂望遠欲窮千里目  
吟餘空費九迴腸功名自許今猶未寒暑催人老又將  
會整舊書歸舊隱故園松菊晚蒼蒼

題石菖蒲六韻

一室蕭然景最清小池叢石細蒲生日長自覺閒情好  
書罷還宜倦眼明行見有花昭上瑞不須多節表虛聲  
頻呼稚子添新汲靜據胡牀看晚晴楚畹幽期空自許  
謝庭佳致蚤同盟憑君莫話崇高事已伴琅玕進玉京



送陳太常致政十韻

都門餞別馬駢駢家在千山去路微  
一代衣冠嗟獨往兩京詞賦見應稀  
秋風送客浮雲盡江水迎人野鳥飛  
共說太丘間更好却嫌彭澤晚纔歸  
已將素學酬明主猶有丹衷念瑣闈  
塵夢覺來驚復定物情閒後是成非  
門無候吏敲殘漏夜有隣翁款竹扉  
身世忽從何處落功名始覺此心違  
林間倚杖看桑梓雨外行歌種薜薇  
莫為容臺惜遺老汾陽子壻盡朱衣

為王用誠題畫十二韻

千里雲巒際碧天，千村景色曉茫然。  
上方樓觀山間寺，遠墅桑麻谷口田。  
危石斷橋人跡少，陰崖飛瀑水聲連。  
寒凝曉靄風光淡，暖入蘼蕪草色妍。  
門巷未經車馬到，林泉宜有畫圖傳。  
隆中舊事遺梁甫，松下清齋學網川。  
愧我已非盤谷侶，憑誰重和草堂篇。  
機深轉覺身多伴，心遠從知地自偏。  
無數塵緣消物外，幾多佳趣到閒邊。  
垂竿薄暮臨池坐，待月清秋傍石眠。  
布襪青鞋從此始，

草衣木食永相便何當共約歸休日  
庶祿猶須二十年  
榮壽堂八韻為吳瑜壁都憲賦

九重封勅下明光壽域陽和滿  
畫堂椿樹潤分萱砌綠  
桂枝高倚栢臺黃詩書已遂  
菑畲念燈火全拋績紡忙  
老去豐榮渾自得年來行坐覺如常  
魚軒旁服身同貴  
鶴算龜齡日共長  
綢舄幾人能侍養  
岡陵終古願無疆  
百年伉儷雲端鳳  
一世心期鏡裏霜  
為想堂前拜嘉慶  
紫泥香透綵衣裳

哭劉公秉八韻

與君兄弟最多情誰道中年兩變更聞病只疑吟太苦  
訃傳渾似夢頻驚心灰冷對寒燈燼淚血潛隨夜雨聲  
人遠北山孤鶴侶天荒東海哭鷗盟青衫老我疎良會  
白首憐君誤此生望斷夕陽雲影散魂迷池草月華明  
蒼天竟負仁人壽白石空題處士名弔罷靈幃見孤子  
不勝清怨重沾膺

送楊太守六韻

關西清白舊相傳政事文章繼兩全仕路風塵將白首  
客懷冰蘖尚青氈氣凌華岳羣峯下志薄秦關百戰前  
秋水月明霜滿地春風凍解日行天誰家隴畝無桑穀  
到處民居有誦絃老我病歸思借冠重來未卜意蕭然

挽王侍郎封公二十韻

蒿里歌殘薤露終百年遺響托悲風橋門倡義英聲在  
粉署談兵舊迹空八座知名深贊畫四方多故見才雄  
中朝政事推司馬南國旬宣屬召公幽谷陽春回棨戟

名區民庶仰藩墉官僚盡服澄清治寇賊全消保障功  
江漢思歸逢斷梗文園多病歎飛蓬已將素節酬明主  
欲向青山學老農茆屋石田歸有日玉堦金闕會無從  
少陵老去詩名重張旭生來草翰工靜檢義文圖太極  
閒揮麈尾看參同箕裘更喜兒孫長門祚何慙舊業窮  
芳桂色含椿樹綠古槐陰傍草堂濃禹鈞自信多賢子  
王旦人誇似乃翁為羨名駒空冀北忽驚哀鶴返遼東  
蓋棺自製堯夫贊去國誰傳涑水容風雨關河天萬里

煙雲山壑夜千峯淒涼景物孤愁絕生死音塵百感通  
隴上夕陽迷客土湖南春草夢歸蓬望窮秋影黃昏鴈  
泣盡寒聲紫禁鐘應有碑文題故友能無紀傳載文中  
不須聽此頻惆悵贈典龍章出九重

畫登高望遠圖送鄭世昌赴廣州提舉八韻

少長同遊事業俱中年去住忽殊途白雲門下春風歇  
赤壁江頭夜月孤早擬驂騑空冀北晚驚鸞鶩振東湖  
連城已剖輝山玉按劍猶疑照乘珠廊廟地高行易遠

田園歲盡去應蕪病憐送客思留客間覺今吾是故吾  
海市風波無舊侶江村煙雨有尊鱸欲知別後懷君意  
盡在登高望遠圖

壽詩

五十七歲未衰節三百六旬初度辰半世平安逢盛旦  
一年佳麗屬芳春舊遊曾作青山主此會應多白社賓  
鴻鴈有聲羣序近芝蘭無恙物華新圖書滿屋輝前業  
里巷逢人總後塵驚看南天猶現極喜聞東老未為貧



是誰為作岡陵頌愛爾長於翰墨親滿眼和風一樽酒  
對君疑是葛天民

賀沈維仁納粟冠帶

日月餘光照海城翩然林壑見蜚英龐公素有遺安業  
孺子初無近祿情共許良心超族黨旋聞高誼動公卿  
承家自少能知節居富於今善處盈金散不移東老志  
官閒何負北山盟也知豺獺懷酬報為竭涓埃答治平  
宅里旌添華屋潤冠裳榮耀素袍明千倉萬鎰空如許

贏得人稱長者名

題李白觀瀑圖

兩臂束蹙肩雙攢  
仰首挺立如禁寒  
平生斗酒百篇興  
似為廬瀑啗盤桓  
江東無人酒船返  
黃鶴放歸南道遠  
絕倡從來和者稀  
紫煙落日香爐晚

方洲集卷七

欽定四庫全書

方洲集卷八

明 張寧 撰

七言律詩

秋日漫興四首

雲物蕭條拂曙開  
故園東望轉堪哀  
孤城海氣連雲合  
萬樹秋聲動地來  
麟閣功臣多際會  
鳳臺詞客慣趨陪  
蒿萊今日驚塵起  
欲賦慚非宋玉才

吳門北上長安萬里關  
河客路難原野草荒狐兔盡  
江潭風起水雲寒  
無與漫擊馮瓊缺當道誰彈貢禹冠  
總為黃花能待臘  
年年長向雨中看

書劍蹉跎雨未成  
登臨無限故園情  
黃金臺迥秋天遠  
白玉樓空夜月明  
籬菊不禁清露重  
征衣偏覺暮寒生  
山空木落無多日  
海宇春風歲又更

風雨周行蜀道難  
每回回首益長歎  
黃金易盡秋雲薄  
華髮無情曉鏡寒  
塞鴈北來天漠漠  
夕陽西下水漫漫

巫山萬里知何處可待襄王夢裡看

送王廷顯調官入閩

迢迢旌旆度遼陽  
疋馬南行去路長  
龍劍乍提三尺銳  
蛇弓新挽百鈞強  
嚴霜欲度檳榔熟  
瘴雨初晴荔子香  
見說皇仁同覆載  
少年隨處答恩光

七夕有懷劉世亨

海城吳葉墮新秋  
露坐中庭夜色幽  
微月遙隨銀漢轉  
清樽不共故人遊  
曾聞玉殿傳燈火  
更想瑤臺望斗牛

千里相思應未寢故園南望益離憂

賀劉世經新娶

洞房花燭照新粧此夕相逢樂未央  
鳴鴈有聲冰始泮  
牝雞無語夜偏長  
采蘋拂曙遊南澗  
奉帚平明覲北堂  
官事不違中饋好  
故人從此念糟糠

赴京辭親

幾年衰薄望成名暫得微名又遠行  
夜雨萱花偏有感  
西風椿樹正含情  
黃金祇為書收盡  
白髮惟因教子生

安得登科親未老綵衣光照錦衣榮

別弟

堂上雙親鬢已華莫因年少誤生涯弟兄鳴世懷蘇氏  
羣從能詩憶謝家天闕雲依丹桂子故園春滿紫荊  
花孤舟明日滄江夕愁見征鴻落渚沙

別籬應瑞

遠攜書劍上京畿身在青雲去路微千里關河成遠別  
十年詩酒歎多違夢回野渚生春草愁入寒雲見夕暉

何似同登龍虎榜長安車馬共輕肥

別陳敬佐

竝駕青雲舊有期著鞭今為祖生遲  
秋風旅館思懸榻夜雨書牕憶下帷  
世道正當全盛日功名況是少年時  
滄洲明月孤吟處回首令人感別離

酬陳彥章見寄

幾年瘴海息波濤  
檠戟重臨不憚勞  
塞上風雲嚴虎衛  
營中新月照龍韜  
一身許國丹心在  
百世傳家素業



高見說于今戎務少祇應詞賦日揮毫

松石軒

蒼松白石護玄關  
福地清高不可攀  
萬壑天風吟倚處  
一林明月醉眠間  
藍田玉長雲根出  
王母書回夢鶴閒  
為問長生如可學  
願從服餌駐童顏

濟寧道中

宦情離思共依依  
極目關河四顧微  
千里風雲隨去馬  
五更霜露滿征衣  
山連齊魯居人少  
地接淮揚故舊稀

金匱要略卷八  
自愧才華非董賈春風何日覲彤闈

追挽劉世亨父

白頭無事出田園清議猶能動至尊鄉里衣冠推世德  
海濱營衛仰餘恩鶴歸華表仙人化樹滿荒山古木存  
往事不須頻太息傳家今已見曾孫

寄劉世亨兼簡諸故舊

別後逢人每寄聲自憐多病托羣英經綸有策懷先達  
科第無才愧後生淡月疎鍾京闕夢白鷗煙水故園情

雍容禮樂三千輩日近清光仰太平

感事二首

羽書昨夜報居庸百萬雄師下九重天子垂衣臨大  
漠羣臣端笏扈元戎禁中已乏回天諫闔外誰成閫  
地功千古澶淵扶日轂令人長憶寇萊公

寶馬朱輪接上遊時危誰解奉天憂鼎湖龍去英雄盡  
劍閣雲深日月愁玉輦已隨邊地草青山依舊漢宮秋  
元勳野死潼關破誤國何人更首丘

山行

溪山景物曙蒼蒼  
溪上行人路渺茫  
極浦人家依島嶼  
上方樓閣蔽岩牆  
鳥邊雲影孤峯小  
山外泉聲萬壑長  
安得閒身隨釣艇  
時時來扣遠公房

耕樂為吳江士人作

宦遊京國久蹉跎  
老去躬耕奈樂何  
田畝有懷時見候  
農人無事日相過  
污邪水滿菰蒲長  
高隴春深菜麥多  
幾度報田歸去晚  
醉中猶唱飯牛歌

植蘭堂為仇克明

林下深期日共忘年來移植近中堂清霜入佩幽懷遠  
落日援琴古意長剩有高風存九畹更無餘物示諸郎  
太平時節人文好非是閒居覽衆芳

挽顧士行

東吳回首每傷神千里關河百戰身舊業已隨烽火盡  
白頭無復故鄉春百年譜系雕蟲細半世功名馬鬣新  
聞道遼東多野塋死生高誼更何人

劉公瑞閒居六詠

春隴耕雲

漠漠陰雲滿太空自驅黃犢事春農  
疎狂更喜兒童長衰薄應須畎畝功  
水色微茫春雨後歌聲迢遞夕陽中  
麻衣短褐渾相似舉世無人識卧龍

寒潭釣雪

西風吹雪滿秦川寒擁絲綸上釣船  
悵望平林飛鳥外詩懷多在白鷗邊  
羊裘高節真成癖鶴氅清風欲山仙

最愛晚來堪入畫一蓑披向酒家眠

西軒聽雨

芳草池塘夜已分一燈疎雨轉紛紛分明瞿峽愁中聽  
彷彿巴山夢裏聞海外故人嗟久別天涯遊子憶同羣  
蘭缸欲盡青氈冷落葉蕭蕭自掩門

菊圃秋香

郊原秋日景淒其三徑黃風晚更滋為惜子瞻淹宦久  
故應元亮去官遲東籬晚節興懷感南國佳人入夢思

曉露晨霜易衰歇  
歲寒心事更誰知

琴室松風

朱絃疏越紙牕明  
時有松風繞戶生  
林谷蕭條孤月滿  
海天空濶片雲輕  
心閒自悟無絃趣  
坐久疑聞太古聲  
幾度夜深詩夢醒  
猿啼鶴唳共淒清

書牕梅月

東閣梅開繞畫闌  
娟娟霜月下詩壇  
山河有影冰輪滿  
風露無聲玉樹寒  
歌罷霓裳人不見  
夢回首鳥思無端



卻憐此夕孤牕月紙帳香消獨自看

送應司訓入廣

一官初得覲宸旒又上湖南萬里舟  
碧樹青山妃子廟夕陽芳草仲宣樓  
聞江漢歸周化莫為沅湘弔遠遊  
泮水傳經如有暇好題尺牘慰窮愁

送王司訓赴臨江

一鶚橫飛碧漢間遠持木鐸下朝班  
清江小艇鷗邊渡玉筍孤峯鳥外山  
葉落疎林雲谷靜草深茆屋墨莊閒

相逢盡是振衣者不用昌黎老抗顏

寄妻弟王寬秀才兼劉公贄

記得年來下第時春風偶復遇佳期十年燈火黃齋飯  
千里風雲白玉墀濫進已為同輩笑成名喜慰老親思  
金臺回首頻惆悵積雨新秋好下帷

送金都運

讀罷離詞悵夕暉不勝遙念忽依依同時諫諍幾人在  
當路交游強半稀雲滿冀城雙闕迥雪晴淮水片帆歸

前修未遠徽音歇  
羞逐清班侍紫闈

送趙尚敏

同遊京國未能還  
沉爾離羣愴客顏  
白首心期何日盡  
青雲蹤跡幾人閒  
一官遠寄湖湘外  
疋馬遙馳嶺海間  
東道已無相識問  
愁來莫上九疑山

過梅莊懷舊

野梅茆屋石闌干  
白首空山幾度看  
紙帳梨雲春夢冷  
斷橋殘雪暮牕寒  
風光不減當年好  
詩酒猶懷晚歲歡

卻憶種花人不見隴頭無信月漫漫

題孫廷蘭郎中畫四首

江南三月風光好淑景分明出世間  
春水河梁天上渡夕陽樓閣畫中山  
人來茆屋雞聲午花落疎籬草色閒  
何日追尋休沐地雲蘿絕壁漫躋攀

薰風楊柳綠成蹊村巷無人鳥亂啼  
水漫西疇春事歇草深南浦夕陽低  
經旬卧起門常掩三徑荒蕪路欲迷  
丘壑經旬時漸少高居應有醉中題

雲物淒涼接晚晴西風岩谷暮寒生山迴古寺聞猿斷  
落葉疎林見客行斜日淡依孤岫沒野鷗閒傍釣船橫  
南遊記得湖亭路白石滄波萬里情

巖谷蕭條草樹平萬山深雪一人行望窮寥廓不知夜  
獨立蒼茫無限情幾處鄉關遊子夢半林燈火讀書聲  
瓊瑤滿地天如海欲駕靈飈訪太清

方節婦兵科給事中輔之母

滄波東去斷魂歸鏡裡孤鸞靜不飛宗祀有靈遺腹在

閨門多難一身微已甘白骨埋青野肯許緇塵上素衣  
豈料旌封能待老此生辛苦幸無違

送黃五禧還豐城

一別東吳又十年相逢京國共依然浮世世事不長好  
明月心期只自圓歸夢欲迷南去路鄉書多問北來船  
實家兄弟俱長健事業應須各勉旃

送董廷瑞赴南臺

聖主憂民重憲臣繡衣持斧出楓宸范滂久負澄清

望趙抃生懷獻納勤肯使豺狼當穀道坐令枯槁發陽  
春清霜烈日江淮路莫謂相逢有故人

送王廷器妻弟南還

共說門闌氣象新客邊相見亦情親說車又是臨岐日  
詠雪應懷遠送人北固樓臺江樹晚西湖花柳故園春  
停鸞止鵠須高振莫謂韶華誤此身

挽張布政

萬里雲霄早致身清時人物舊儒紳四朝寵遇推良

弼一代勲名屬老臣青瑣才高天上詔紫薇花落夢中  
春經綸未盡英雄死海水東流夜月新

遊金粟寺寄湛璇二方外

金粟名山碧海邊上方樓閣近諸天人推轉藏聞清楚  
自洗殘碑認往年南度龍章千古在西來象法一燈懸  
登臨不見懷人處回首孤雲思惘然

寄張公裕學正

一別雲霄兩載過廣文詩酒近如何客邊醉眼青猶在



鏡裏流年白漫多雅度莫逢湘水弔高才誰和郢人歌  
秋來幾度懷風采涼月輝輝滿薜蘿

送孔彥旭還闕里

萊衣千里上京師文采雍容玉樹枝對客共稱佳子弟  
過庭如見舊威儀重闕落月人歸早野渡清霜馬去遲  
四海門牆千古意因君日日起遐思

耕隱堂

石田茆屋住山深老去惟餘物外心疎雨綠苗春滿地

亂蟬高柳水平林，將蕪卻笑潛身晚。  
用晦何煩抱膝吟，獨喜故家遺業在。  
年年詩酒契幽尋。

寄壽李郎中外父

湖山佳致百年身，一半相忘醉裡春。  
華誕每逢南極老，清風自擬北牕人。  
鏡中白髮秋容澹，籬下黃花晚節新。  
有客朝回望鄉拜，太山高絕近星辰。

送徐尚寶致仕

綠野堂前舊雨飛，黃金臺下一人歸。  
當時門戶依然在。

世路風波忽已違清夢尚懷西掖樹閒情多鍾北山薇  
汾陽子壻俱榮盛五十懸車世所稀

林李聰父母挽詩

一經科第著材英五轉儒官羨老成身在世間如大夢  
人從死後見平生功名荏苒隨年盡心事淒涼共月明  
遼鶴何須作人語五雲中有鳳雛鳴

霄漢頻隨鳳侶飛年來猶自密縫衣青燈夜雨人何在  
白髮秋風子未歸魏闕恩榮驚誥在潯陽消息鮓書

稀惟餘一片隴岡石千古清光照夕輝

竹雪齋

小齋叢竹雪深時景物年年似有期賦就梁園人卧晚  
寒凝嶰谷鳳鳴遲風敲碎玉晴還好月轉冰簾夜更宜  
安得閒身無一事芒鞋相訪共題詩

送許道中致仕

千里山川入舊遊風塵滿地草堂幽西周事業歸黃閣  
東魯衣冠見白頭鷗外漁歌孤棹雨鳥邊詩思亂峯秋

懸知此別成長往誰道功名不自由

陳緝熙先壟六詠

吳山朝旭

曙日初逢宿霧開  
館娃宫外塚累累  
鳴鸞不見孤鸞下  
晞露疑聞化鶴回  
隱映祥光輝草木  
龍葱佳氣滿樓臺  
一從埋玉高岡上  
幾度凌晨祭掃來

震澤秋蟬

亂峯如抱水縈迴  
明月當空絕點埃  
明月不隨流水去

秋風無復舊人來，思家賈客應同感。  
信宿漁歌莫浪催，長夜寂寥魂已斷。  
天光雲影為誰開。

光福煙光

華表西林掩靄中，霏霏拂拂梵王宮。  
寒凝海日晴還暝，橫入松梢遠更濃。  
暮景蒼茫冲斷鴈，客愁冥漠度疎鍾。  
無端忽被風吹散，悵絕天涯望眼空。

海雲茶屏

小院名花自替春，先公曾此訪通禪。  
祇應獨立涼風後，

得伴長齋繡佛前  
殘雪壓枝雲母重  
暝煙浮葉鳳帷鮮  
也應見物懷親愛  
時折幽芳供几筵

寄心修竹

雲林幽絕遶琅玕  
地接荒墳幾歲寒  
宿草殘碑深不見  
清風明月靜相干  
隆冬有笋嗟何及  
古塚磨詩蹟未刊  
僧化旃檀佳客去  
可能日月報平安

古廟喬松

敗屋長松碧蘚滋  
野人相見說當時  
摩挲尚記兒童戲

金  
屈惟應鬼物知長恐風雷騰老幹每因賽社斫新枝  
近來時有遼東鶴飛下寒梢欲語遲

送徐編修弟還吳

金蘭玉樹每相聯聚散無憑共一天芳草池塘催別夢  
夜牕風雨惜芳年北堂燕綵黃昏話東閣看雲白晝眠  
兩地應須各努力天涯此去只潸然

為徐時用題謝廷循畫

湖上春光接貴遊湖陰山水獨宜秋林泉老我雙蓬鬢



風雨還家一釣丹望遠時登黃葉寺採芳多貯白蘋洲  
相看獨有南州士高卧孤山百尺樓

己丑除夜

四十分符刺一州四年歸病卧滄洲慙隨世俗論青眼  
自歎功名負黑頭身事淡如幽磳草心情閒似曲江鷗  
炎涼冷暖年年在每到今宵一醉休

庚寅除夕

六六光陰又九年細將新事較從前風雲語步都成錯

冰雪心期益自堅，隔院笙歌聞別調。  
滿庭燈火散浮煙，詩成畱待明朝寫。  
閒伴春風上錦箋。

趙驛丞湖曲草堂

十里湖山一草堂，年來歲月坐相忘。  
林間野鶴閒隨杖，檻外沙鷗欲近牀。  
風雲夜迷和靖宅，煙花春滿杜陵莊。  
如何忽作青雲別，三徑蕭條歸夢長。

耕學為劉侍御賦

揀架詩書負郭田，此生清意滿林泉。  
一犁時雨春方竹。

盡夜寒燈曉未眠訪隱何人經白屋傳家有子付青氈  
年年報社人都醉獨自關門草太玄

壽靖遠伯

行專鉞鉞坐蕃宣生際承平八十年日下五雲光甲第  
夢中八翼上鈞天清時文物龜麟出白首勲名將相全  
不用相尋赤松去九重深念老臣賢

汀州哭崔惟正

別來三月歎蹉跎落日驚看逝水波清淚欲乾還自落

金瓶梅詞話卷八  
羈愁未遣又添多英雄有死嗟誰在歡會無期奈老何  
十五年前舊遊事不勝哀戚動隣歌

送周民表進士養病南還

走馬看花未盡情白雲官舍坐澄清愁多頓覺歸心急  
吟苦誰憐渴病生高閣晴雲舟鳳遠畫船秋水白鷗輕  
不須會唱陽關去千里家山衣錦行

送薛九公子

侯家孫子擅風流長向江湖作勝遊一飲賸拚鸚鵡舞

百金曾買鷓鴣裘  
柔風楊柳春當座  
弱水芙蓉夜滿舟  
猶有故家遺烈在  
時時含笑看吳鉤

挽陳南海

海色蒼涼宰樹陰  
百年人物此消沉  
杏花春雨匡廬遠  
茆屋秋風杜曲深  
白首一官終舊隱  
清樽孤鶴費長吟  
相看惟有燕山桂  
恩澤于今滿故林

松崖為許處士傑

滿地松陰石徑斜  
蕭疎橫似野人家  
牕涵水氣秋偏蚤

座有書聲地轉佳涼逗晚風清鶴夢冷和殘雪映梅花  
歲寒節操應相待不是閒居愛物華

李戴章獨鯉圖

桃花春水漫滔滔一躍龍門萬丈高十載江湖淹物色  
九天雷雨奮雄豪誰人見轍能憐鮒何處垂綸欲釣鰲  
自古成材須澤世為霖有待作波濤

方洲集卷八